



# SYNOD *Newsletter*

Volume XXVI

No. 349

E-mail : [synodnews@gmail.com](mailto:synodnews@gmail.com)

OCTOBER, 2012

## SYNOD HIGHER SECONDARY SCHOOL-IN GOLDEN JUBILEE AN LAWM

October 3 & 4, 2012 khan Synod Higher Secondary School chuan an school-in kum 50 (Golden Jubilee) a tlin champha lawmna an hmang a, October 3, 2012 khan Jubilee Hawwna, Contact Sports Centre, Mission Vengthlangah neih a ni a, Finance Minister Pu H. Liansailova chu Khuallian a ni.

Jubilee Hawwna inkhawm hi Pu Rozama Chawngthu, School Principal-in a kaihruai a, Rev. Mangchhuana Sailo, Former Principal, SHSS-in Hunserh hmangin Jubilee Zaipawlten hla an rem a, chairman-in inlawmna thu a sawi a. Khuallian Pu H. Liansailovan Jubilee hawngin thuchah pawimawh tak a sawi bawk. Jubilee dar vaw tura ruat ten Jubilee Dar an vua a, Pi C. Lalhmingmawii, Former Vice Principal, SHSS-in Jubilee Cake a zai a, School Curtural Group ten Cheraw an entir bawk. Synod Moderator Rev. Thangzauvan Thuchah (Moderator's Address) a sawi a, Pu Lalremchhunga Pachuau, Secretary, Organising Committee-in Reports a pe bawk. Rev. Vanlalzuata, Senior Executive Secretary-in lawmthu sawi ṭawngṭaina hun a hmang a, Rev. Dr. Lalngurauva, Founder Headmaster-in Malsawmna sawiin hun a khar a ni.

Jubilee hawwna programme hman zawh hian Jubilee lungphum leh Archives & Exhibition hawwna neih nghal a ni a, Jubilee Lungphum hi school tualah Rev. Zosangliana Colney, Executive Secretary-in a hawng a, Archives & Exhibition hi School Archives Room-ah Rev. Lalzuithanga, Executive Secretary-in a hawng thung a ni.

Chawhnu lamah Zirlaite Pual hun hman a ni a, Pu P.C. Lalrinpuia, Jt. Secretary, Organising Committee-in programme kaihruaiin Items chi hrang hrang hmangin intihlimna hun hman a ni bawk.

October 4, 2012 hian Jubilee lawmna neih chhonzawm leh a ni a, Hun Urhsun leh Alumni pualin hun hman a ni a. Hun Urhsun-hi Pu C. Hmingthanzama, Vice Principal-in a kaihruai a, Thawktu leh Pensioner thi tawh te, Zirlai thi tawh te sunna hun hman a ni



a, Upa Malsawmdawngliana, Former Principal-in ṭawngṭaisakna hun a hmang a ni. Zirlai ṭiṭha te, Pension thlenga thawk la dam te leh First Batch (1962) la damte hnenah Pu Rozama Chawngthu, Principal-in chawimawina thilpek a hlan bawk. Synod Secretary Upa D.P. Biakhuman Golden Jubilee Souvenir a tlangzarh a, a duh apiang tan thusawina hun hman zawh anih hnuah Upa Thantluanga, Former Headmaster-in Malsawmnain hun a khar a. Chawhnuah Alumni pualin hun hlimawm tak hman a ni bawk a, tlaiah Jubilee ruai buatsaih a ni bawk.

SHSS Alumni Association huaihawtin Golden Jubilee urlawknan September 21 khan School tualah Golden Jubilee Concert neih a ni a, hetah hian SHSS chhuak zaithiam lar tak takte leh zirlai ni mekte'n hun hlimawm tak an hmang tawh bawk.



# SYNOD Newsletter

## EDITORIAL STAFF

Rev. K. Lalpiangthara (LPT)

Rev. B. Lalnghakliana (BLNG)

Upa H. Ronghaka (HR)

Upa C.H. Thangkuma (CTK)

## Editorial

### ISUA – MI SUALTE THIAN

Kan Lal Isua kha a hun laia mite khan 'mi sualte thian' ti hialin an sawi thin a, a awm ve tho mai. A hun laia an huat em em chhiahkhawntute inah te lutin an chaw te a ei a, hmeichhe leplerha an sawi, a kawchhung ata ramhuai a hnawhchhuahsak khan a keah hriak rintui chulhin a samtein Isua ke a hruksak a. Samari hmeichhia, kawppui tam tak lo nei tawh lah a zirtirte mak tih khawpin a counsel a. Uire nu ni se, Mosia danin den hlum tura a tih, a chhan chhuak daih bakw si a; 'mi sualte thian' tih mai awm pawh a ni e. Lal ram linglet din tura khawwela lo kal a nih avangin khawwelin mawi a tih zawng lam a ngaihtuah lo va, mi hlate a hnuh hnaih theih dan tur a ngaihtuah zawk avangin sual a hua a, sualin bu a khuarna mi sualte a chhan chhuak thin thung.

A hnung kan zui Lal Isua tih dan hi kan tih ve dan a ni em aw! Pu K.Lalhmimgliana, El-Bethel Speaker rawngbawlna khati tak maia a alh nasa kha engoang nge ni ang kan tih chuan, 'mi sualte thlang phak Chanchin Tha' thuchah kengtu a nih vang a ni kan ti thei ang. Kan rama HIV (Positive) hote tan te, zu leh drugs khawwela tlan mek tan te, mipat hmeichhiatna lama kal sual hote leh sum lama duham takhote tan hian thian tha kan ni ve thei ang em le? Sual haw lovin mi sual kan hua a ni zawk em? Sual do ila, bu a khuarnate chhan chhuah tumin hmangaihna nen rawng i bawlsak ang u. Hei hi Lal Isua rawngbawlna dan a ni a. Kan ram leh Kohhran damna tur pawh hetah hian a awm a ni.

### SAWMNA

Tachhip Kohhran chuan Ni 24-28 October, 2012 chhung hian Kohhran Centenary lawm kan tum a, Tachhip Kohhran a lo lawi tawh zawng zawng leh Tachhip Kohhran lo Bial tawhtu Pastor zawng zawngte he hun min hmanpui tur hian kan sawm vek che u a ni e.

Information and Publicity  
Tachhip Kohhran Centenary Committee

### NGENNA

Synod Revival Camping Centre-a khum siamna tur, K. Zohmingthanga hriatreng nana Rs. 5,000/- petu K. Lalhangruala chu a Veng/Khua chhinchhiah hmaih palh a ni a. October, 2012 chhunga Synod Revival Director phone 9612904838-ah emaw Office hun chhungin Synod Office phone 2326372-ah emaw hriattir turin Synod Revival Office-in an ngen e.

### ZAWHNA leh CHHANNA

**Zawhna** : Kan Kohhran mi nupa, hmeichhia zawk lo uire ta se, a pasalin ngaidamin pawm leh ta sel, a uire naah thunun tho tur nge, engtia kalpui tur nge ni ang?

- Upa Lalnunmawia, Hualtu, Mizoram

**Chhanna** : Inneihna pawn lama mipat hmeichhiatna hmang a nih avangin thunun tur a ni.

**Zawhna** : Kan Kohhran dan chhung miin mi thil lo ruksak se, a rutu leh a ruksak ate inngaidam leh ta se la. A rutu hi Kohhranin engtia tih chi nge ni ang?

- Upa Lalnunmawia, Hualtu, Mizoram

**Chhanna** : Kristian nun kaihhruaina - 6 Kristian Nun - Khawtlang lam (3)-ah chuan, "Thil ruk te, hlep ruk te, duham taka mi nek retheih te, sum lama thum vavr leh pawisa khelhte tih loh tur a ni," (Ephesi 21:28; 5:5) tih kan hmu a.

Kut thlak zui dan tur a sawi zui lem lo va. Engpawh ni se, a rutu ngei pawh a inpuanna ang chi-ah chuan Bialtu Upaten an in lama kawma tawngtaina neihsak a tha khawp ang.

### PATHIAN THU ZIR DUH TAN

Presbyterian Bible School, Mission Veng, Aizawl-ah Session 27-na atan Certificate in Theology (C. Th.) Admission hawn a ni a. Dil duhte tan dilna form Office hun chhungin ₹ 10/- a lei theih a ni. Dilna form hi November 28,2012 (Nilaini) tlai dar 3:00 thlang thelhuh theih a ni.

Dil thei chin : Class VII passed, kum 16 chin, Kohhran dan chhunga awm.

Interview : December 4, 2012 (Thawh-lehni) zing dar 10:00

Class tan haw : January 14, 2013 (Thawhtanni)

Zir hun chhung : January - April, 2013

Zirlai pakhat hnenah thla tin Stipend ₹ 500.00 pek a ni ang. Hostel a awm lo.

Hrechiang duh tan phone No.2317343/ 8575308007/2350085-ah zawh theih a ni.

Sd/- Rev. R. Lalengmawia  
Principal

### SAWMNA

Mission Vengthlang Bial Standing Committee chuan Bial Pavalai Pawl Ni 24.11.2011 kha a din a. Ni 24-25.11.2012 hian Mission Vengthlang Kohhranah Bial Inkhawmpui an nei dawn a. Thupui atan 'Krista tana nun' (Philippi 1:21) 'Pavalai Pawl Thupui' an hmang dawn a ni. He hunah hian Mission Vengthlang Kohhran Zaipawl, Jubilee Kohhran Zaipawl, Model Veng Kohhran Zaipawl leh Bial chhung Kohhran Pavalai zaipawl leh Tuikhuahtlang Pavalai Zaipawlte an zai dawn a. Pavalai Pawl a tel thei apiang tel turin an sawm e.

### NUN DAN

#### DAWHTHEIHNA LEH ZAIDAMNA

Mizoram la hmu ngai lo, mi thiam tak pakhat chu hman deuh khan Aizawlah hna tul thawkin a lo kal a; India ram khawpui dang ang lo takin motor hmeirik (horn) ri hriat tur a lo tlem em em mai a; motor kal vel tam vanglai, chêt sawn harsat laiin an chuanna motor pawh a kal hlei thei bik lo va, chutih lai chuan a chhungte phone-in a bia a; Aizawl khawpui chu India rama khawpui dang ngaihtuah chuan khawpui bengchheng lo ber nia a hriat thu leh chu chu nuam a tihzia hahpin a sawi a!

Ram pawn atanga India rama lo kalten ninawm an tih ber pakhat chu motor horn ri bengchheng nasa lutuk hi a ni. Vai kan tihte hi tawrh chhelah te, tei rei peihah te an fakawm tehluul nen, motor inhnawh chêpnaah hian dawhtheihna an tlachham em em mai hi a mak hle. Mi pawl khawih palha thiam chan nan an ti pawh a ni thei a; a chhan bulpui erawh chu chin dawklaka an neih vang mai a ni tih a lang.

Ni tina khawsakhonaah hian mahni chauh inngaihtuah lova mi dangte dinhmun hriat thiampui hi a pawimawh hle. Hmaa mite an laklawhzia hre reng chung a tur vak vak te, a sawt dawn chuang lo tih hre reng chung a motor hmeh rik hmeh vak vak mai te hi eng mah dang sawi lo pawha mahni rilru tar lanna a ni a; hengah hian dawhtheihna lantir thiam hi mi puitling zia a ni. Hetiangna kan sawi lai hian, mi dang tana rokhwahna siam zawnga khawsak hi kan la changkan lohzia tlangaupuna, mahni mawng hlimna a ni a; dan bawhchhiatna a tling thei hial tih erawh hriat saah ngai ila.

Motor-a intai palh nikhuua a thiam zawk nih inchuha a khalhtu an han pawng nghal hluai zel mai te hmuh a hrehawm thin hle. Chhan hrang hrang avangin chêt sual theih a ni a, hengah hian zaidam kan zir a ngai a ni. Mizo pasaltha, Vâna Pa kha tlang hriata thinchhia a ni a; chutiang mi a nih chu inhmuh chhuakin (mahni inmanin) zaidam a zir ta a; a hlawhtling hle a ni, an ti. Kan nunphung duhawm lo lai hi insiam tha zel ila; kan Lal Isua thuchah, "...thil engkim miin in chung a ni tih a duh tur ang apiang chu, mi chungah pawh ti ve rawh u," tih hi kan nunhona rilru kaihruaitu ni zel se. "Thuhnairawlhte chuan ram hi an luah ang a, remna chênin an hmuingil ang," tih hi kan chanvo atan Lalpan a dah ve ngei ang (HR).

#### ṬAWNGṬAI BU LAM THEIH

Ṭawngṭai Bu chhut thar leh a ni a, kar leh atangin Synod Office-a Mamawh lamna-ah Kohhran/Bial copy tur a lak theih leh ta e.





Zan khat chu ral venbuk chhak lama nu tuaiho leh pa tuaiho chuan thingpui hang beisei pahin Ral Vengtu inah an leng a. A nupuiin thingpui hang a sem lai chuan Ral Vengtu chuan an duh duh sawi turin a sawm a. An in leng zinga pakhat chuan meizial tan pahin ashma vei hrehawm a tihzia thu hahipin a sawi a. A bula thu chuan kuhva tep chap chap pahin hrawk cancer nia a inrin thu a sawi ve baw k a. A piah deuhva nu pakhat chuan sahdah bur hawng pahin a chaw ei a tui lohzia thu a sawi a. An zinga chalchang ber chuan tuibur hmuam chung hian a pum a nawm lohna a rei tawh thu leh doctor pan a duh thu a sawi ve baw k a.

Ral Vengtu chuan, "Han dam chi in ni hlei nem! In zu baw k a, in thial baw k a, in hmuam baw k a; hetite chuan doctor pawh vawi za panin damdawi pawh ei reng mah ula, in dam chuang lo vang. In awm dan in sawi zawng zawng kha in zuk leh hmuam vang a nih kha! In nghei duh loh chuan tanngtai tanngtai mah ula in dam chuang lo vang," a ti ta zek hlawm a. A chalchang ber chuan, "Tun atang chuan zuk leh hmuam bansan hmak tur a nih chu, kan hrise lohna pawh heng vang phiangsen hi a lo nih hi, kan hmelmaah i puang tawp ang u," a ti a, an tin ta dam dam a.

## AUSTRALIA ATANGA SYNOD SCHOOL TLAWHTU

Australia rama Presbyterian Kohhran school enkawl na hna thawk mektu mi pawimawh pahnih Miss Leonie Brewer, Mrs Pateenah Hordem leh Rev. Richard Wilson te chuan ni hnih chama Mizoram Presbyterian Kohhran school kalphung rawn zir Chiang tur leh thawhho dan kawng sawipui turin September 21 khan Aizawl an lo thleng a. An lo thlen ni hian Synod Higher Secondary School an tlawh nghal a, October 1 (Thawhtanni) khan kum 1903-a Zosap Missionary-ten an lo din P.C. Girls School an tlawh leh a. P.C. Girls School zirlaiten thiam thil hmuhawm tak tak entirin an lo lawm a ni. Tunah hian P.C. Girls School-ah hian thawktu 37 leh naupang 497 an awm mek a ni.

Sydney, Australia atanga heng kohhran mikhual pawimawh lo kalte hian Presbyterian School pahnihte tan hian hma sawn zel dan tur leh zirna tha lehzuat neih theihna tura hma lak dan tur kawng hrang hrangte an sawipui a, an thawhho zui zel dan tur te pawh Synod hotu pawimawhte nen an sawiho baw k.

Miss Leonie Brewer hi Sydney, Australia-a Presbyterian Ladies College-a Director of International Studies and Co-curricular Activities hna chelh mektu a ni a, Mrs Pateenah Hordem hi he College-ah lo hian English Subject Teacher hna thawka awm mek a ni baw k a, Rev. Richard Wilson hi Brisbane, Australia-a Presbyterian Kohhran Pastor a ni.

## JOHN CALVIN-A THU KALPUI DAN ZIRNA

October 4, 2012 khan Aizawl Theological College-a Calvin Study Centre-in Synod Conference Centre-ah John Calvin-a thu kalpui dan zirna (Seminar on Calvinism) an buatsaih a. He zirhona hi National Seminar tih a nih angin Principal & Vice Principal, Presbyterian Theological Seminary, Derahdun te, Executive Secretary Manipur Synod te, Executive Secretary Ri Bhoi Synod te, Rev. V.L. Luaia Hranleh, Administrative Secretary, PCI General Assembly, Shillong te, Rev. Dr. H. Vanlalauva, Dean, Research & SATHRI, Serampore College ten an uap a, Aizawl khawpui chung Kohhran tin aiawhte, AICS, MTC leh mi mal sawm bikte mi 200 chuang zetin he seminar hi an hmang a ni. Synod Moderator Rev. Thangzauva leh Executive Secretary i/c Theological Education Rev. Zosangliana Colney ten Seminar hi an hmanpui baw k.

Seminar-ah hian mithiamte paper buatsaih zirho a ni a, Rev. Dr. H. Vanlalauva'n, 'A study of Calvin's Theology in Relation to the Indian context' tih a present a. Calvin-a zirtirna pawimawh tak 'Pathian hriatna' tih leh 'Pathian Lalna' tih chungchang a sawi a. Rev. Dr. Mohan Chacko, Principal, Presbyterian Theological Seminary, Derahdun-in, 'Calvin's view on Religion and Its significance for Indian context' tih present-in Calvin'a nakhua a ngaihdan leh India ram tana a hlutna leh tangkaina tih te a tarlang a ni. Rev. R. Lalthanmawia'n 'Calvin's Teaching on Christian life' tih a present a. Calvin lehkhahu 'Institutes of the Christian Religion' tih behchhanin Calvin'a n Kristiante nundan tur kawng hrang hranga a zirtirna a tarlang a ni. Thupui hnuhung ber 'A critique on the Thought of John Calvin and other Reformers (Luther, Zwingli and Arminius)' tih chu Rev. Prof. Vanlalchuanawma, Principal, Aizawl Theological College-in a sawi baw k a ni. Heng paper present zawhah hian zawhna leh chhanna hun tha tak hman a ni baw k.

## APPLICATION INVITED

Applications are invited in Serampore College (Serampore, Hooghly District West Bengal) and North India Institute of Post Graduate Theological Studies (PG courses) for students interested in the following courses mentioned below for the new academic year 2013:

1. **Bachelor of Divinity (B.D)** – 4 years course (residential) under Serampore College (University) – Last date of submission of the application form is **30<sup>th</sup> November 2012**
2. **Diploma in Bible Translation (Dip.BT)** – 2 years course (external) under Serampore College (University) – Last date of submission of the application form is **7<sup>th</sup> December 2012**.
3. **Post Graduate Courses** (Jointly sponsored by Serampore College and Bishop's College) under Serampore College (University) – Last date of submission of the application form is **31<sup>st</sup> December 2012**
  - (i) **Master of Theology (M.Th)** in the branch of *New Testament, Christian Theology & Religions*
  - (ii) **Doctor of Theology (D.Th)** in the branch of *New Testament & Religions*.

For application forms and detail information for the above mentioned courses, kindly log on to: <http://www.seramporecollege.org/theology/> or contact:

Promotional Secretary,  
Theology Department,  
Serampore College, P.O. Serampore – 712201,  
Hooghly District, West Bengal. Email: [maruata24@yahoo.com](mailto:maruata24@yahoo.com) Phone: 9830111580

## SYNOD OFFICE HOURS

October 1, 2012 atanga February 28, 2013 thleng Synod Office hna thawh hun chung chu zing dar 9:30 atanga tlai dar 4:00 thleng a ni.

## LITERATURE SEMINAR

SL&PB leh Synod Bookroom tangkawp chuan August 26, 2012 khan Ruantlang Pastor Bial huapin Literature Seminar an neihpui a.

Tin, September 14 & 15, 2012 khan Khawhai Pastor Bial-ah neih leh niin hemi hunah hian Bial chhunga rawngbawltute pualin Pastor Bial Retreat neihpui nghal a ni.

October 26, 2012 hian Serchhip Bethel Kohhranah Literature Seminar neih leh tura ruahman a ni a; tin, November thla hian Bial huapin Chhiahtlang-ah Seminar hi neih leh tura ruahman a ni baw k.

Literature Seminar nei duhte chuan Editor, SL&PB, Synod Office address-in dilna thehluh theih a ni.



**SAILUTAR KOHHRAN** chuan September Ni 1-16, 2012 chhung khan Pu Laltindawla 'Pathian Thuruk Enkawtute' Team ruaiin Camping chhawng hnih leh Tleirawl pual leh Naupang pual lang camp neiin Camper mi 200 vel an lut a, Pathian hnathawh ropui tak thlengin, mi tam takin Siamthama an chang a, Biak In thleng ngai tawh lo mi tam tak te Pathian fakim lamtual leng lovin Pathian an fak a, Kohhranhote an hlum hle.

**KHUANGLENG KOHHRAN** chuan Ni 17, August, 2012 atanga Ni 8, September, 2012 chhung hian Synod Revival Team 'Mi Lungngaithe Thian' Speaker Upa R. Lalhmachhuana an ruai a. Camping chhawng thum leh Naupang lang Camp buatsaih a ni a. Khuangleng bakah Khuangleng South Kohhran atangin mi engemaw zat an lut a. Baptist Kohhran atang pawhin an lut baw a, an vaiin Camper hi mi 311 an ni a. Kohhranah Thlarau Thianghlum harhthama a thleng nasa a, Kohhran bel ngai lo te, ruihtheih thila harsatna tawh te leh hun rei tak Pathian fak thei tawh lo ten siamthar lehna an chang a, Kohhranah harhna a thleng nasa a, hlawk an inti hle.

**TAWIPUI 'S' KOHHRAN** chuan Pu K. Lalhuama (Eliasiba Team) Speaker-a hmangin September 17-30, 2012 chhung khan Chhandamna Camping an buatsaih a. Biak In thleng ngai tawh lo leh lam ngai loten Pathian an faka a, lamtual leng lo khawpin an lam thin. Pu Zomuana te chhungin wawk an thawh a, September 28, 2012 khan awmni khamin Pathian chawimawina hun an hmang. Kohhranhovin heng rawngbawlnate hi kawng hrang hrangin an hlawkpui hle.

**LUNGMUAT KOHHRAN** chuan September 8-22, 2012 chhung khan Synod Revival team (Gospel Logos Team) Speaker Tv. C. Lalchullova leh a rawngbawlpuite ruaiin rawngbawltu pual Camping wawi 1 leh mipui pual Camping wawi 2 buatsaih a ni a. Naupang lang Camp ni khat buatsaih a ni baw. Zu leh ruihtheih thil bawha tang te, tisa khawsak kawnga belh tur nei lo beidawng te leh rinna kawnga chau tawh te leh mahni sual inti ngawih ngawih, sim thei tawh si lote'n Pathian Chhandamna leh Thlarau Thianghlum pawlna thar an chang a. Kohhranhote an hlum an lawm a, an lam suau suau mai. Lalpa hi ava tha tak em! Ahming chu fakim awm rawh se.

## JUBILEE HMANNG TURA SAWMNA

Ni 23-25 November, 2012 hian Bungtlang South Presbyterian Kohhran chuan Biak In hawn leh Silver Jubilee lawmna hun kan hmang dawn a. Heta lo tel tur hian Pastor, Pro. Pastor leh Missionary lo awm tawh zawng zawngte leh he Kohhrana lo lawi tawh zawng zawngte he hun min hmanpui turin kan sawm a che u.

Sd/-  
Upa N. Lalpanpua  
Secretary  
Bungtlang 'S' Presbyterian Kohhran

## HRIATTIRNA

Aizawl Theological College-a BD, M.Th (Old Testament, New Testament, Theology, History of Christianity, Missiology leh Religions), BCS (Mizo/English) leh Dip. CS (Mizo/English) zir duh te tan dil a hun leh ta a. Allahabad Bible Seminary-a B.Th. & BD (Hindi) zir tur tan pawh dil theih a ni. A zir duh te chuan Office hun chhungin College office-ah dilna form hi Rs. 100/- a lei theih a ni. Dilna form hi kim tak a dahkhatin College office-ah theh luh tur a ni. Diltute tana hriattur a hnuaihan kan han tarlang e. Ruih theih thil zuk leh hmuam tite tan leh Tatoo neite tan dil buai a ngai lo ang.

### COURSE DIL THEI CHIN

- M.Th.** (i) BD Second Class B Grade chin; an zir tur Subject-ah BD an zirlaiin Paper 3 ah 60% an hmu tur a ni. (OT, NT leh Theology Subject atan Biblical language requirement pawh a tel)  
(ii) B.Th. zo tawh BD zo tawh baw chuan an zirtur Subject-ah BD an zirlaiin Paper 2 ah 60% an hmu tur a ni. (OT, NT leh Theology Subject atan Biblical language requirement pawh a tel)
- BD** (i) Graduate leh a chung lam emaw  
(ii) B.Th. (English paper 72&73 passed)
- BSC** (i) Graduate leh a chung lam emaw  
(ii) B.Th. emaw, Dip. CS Second Class passed emaw, (English Paper 72&73 passed chin)  
(iii) Senate pawm theih rawngbawlna kum 2 thawk tawh, kum 25 chin chung lam Senate of Serampore College Malture Candidate examination passed tawh te tan.
- Dip. CS** (i) Kum 18 chin Class XII passed emaw,  
(ii) Class X passed Senate of Serampore College pawm theih rawngbawlna kum 5 thawk tawh te emaw,  
(iii) Class X passed kum 2 Theology emaw Secular Institution emawa zir tawh emaw, rawngbawlna hna lo thawk tawhte emaw tan.
- B.Th.(Hindi)** (i) General ah PUC/HSSLC pass  
**B.D. (Hindi)** (i) General ah PUC/HSSLC pass  
(ii) Hindi B.A.

### DIL THEIH HUN CHHUNG:

- BCS/Dip. CS - November 30, 2012 thleng  
BD/M.Th. - January 10, 2013 thleng  
B.Th. & BD (Hindi) - January 10, 2013 thleng

### ENTRANCE TEST :

- M.Th. - January 22, 2013  
B.D. - February 10, 2013

### INTERVIEW :

- M.Th.  
Departmental Interview - January 23, 2013  
Interview (TEB) - January 25, 2013  
BD (TEB) - February 15, 2013  
B.Th. & BD (Hindi) - February 15, 2013  
Dilna form (Application form)-ah hengte hi thil tel tur a ni:-  
HSLC leh a chunglam Certificates leh Marksheets (Attested Copy)

Sd/-  
Rev. Prof. Vanlalchuanawma  
Principal  
Aizawl Theological College  
Durtlang : Mizoram

## HRIATTIRNA

Synod Multipurpose Training Centre, Mission Vengthlang, Aizawl-ah a hnuai Trade-ahthe hian training hawn a ni leh dawn a. Dilna chu a hnuai hming ziak hnenah hian **Kohhran lehkha** thil telin thehluh theih a ni.

1. Tailoring Mipa - Seat 20 - Course - 15<sup>th</sup> Jan. - 15<sup>th</sup> Dec., 2013
2. Tailoring Hmeichhia - Seat 40 - Course - 15<sup>th</sup> Jan. - 15<sup>th</sup> Dec., 2013
3. Shoe making, Mipa - Seat 5 - Course - 15<sup>th</sup> Jan. - 15<sup>th</sup> Dec., 2013

Dil theih hun chhung - November 2012

Interview hun - Ni 12<sup>th</sup> December, 2012 Dar 10:00 a.m.

Zir tura lakte chu thlatin Stipend ₹ 500/- pek an ni ang.

Sd/-  
Rev. F. Lalrinnunga  
Programme Director,  
Synod Multipurpose Training Centre : Mission Vengthlang, Aizawl.